

5. ZEISU SISAN

a) **Laisiangtho bulphuhte:** Jn. 6:53-57; Lev. 17:11; 1Jn. 1:7;
1Pet. 1:18-20; Heb. 9:11-28.

b) **Zeisu sisan in Eite ading bang hong sepsak hiam?**

- (i) Zeisu sisan tungtawn in eite in tatkhiatna i nei hi. Dawi Mangpa khut sung leh a vangliatna pan eite hong kitankhia hi (Eph. 1:7; Heb. 9:12).
- (ii) Zeisu sisan tungtawn in i pulak nak leh i mawhna khempeuh hong kimaisak hi. Khuavak sungah Zeisu tawh i kalsuan khopna tawh mawh na khempeuh pan ama sisan in hong siangsak paisuak hi (1Jn. 1:7-9).
- (iii) Zeisu sisan tungtawn in eite khatvei zong a mawh ngei lo keek bangin hong kidiksak in hong kithumansak hi. Ama thumanna hong kisilhsak hi (Rom. 5:9). Khazih a muang khempeuhte pen amau leh amau in cikmah a a hih zawh ngei loh dinguh tua mipa hih dinga Pasion kalh bang Khazih sungah hong hi uh hi (2Cor. 5:21).
- (iv) Zeisu sisan tungtawn in Pasion omna ah hun khat peuh ah Pasion hehpihna leh huhna, a diakdiak in kisapna i neih teh, ngah dingin kizuan thei hi (Heb. 10:19-20).
- (v) Zeisu sisan tungtawn in eite hong kisiansuah -- hong kisiangthosak in Pasion ading hong kituam khen hi (Heb. 13:12).
- (vi) Zeisu sisan tungtawn in kisungsuannate pan i lungsim ngaihsutna kisiangsak a, Topa Zeisu Khazih na i sep nading in pumpi, lungsim, ngaihsutna leh khate ah kisuak ta hi (Heb. 9:14; 2Tim. 1:7).
- (vii) Tua hi a, dawimangpa tungah gualzawhna i ngah a, Tuu no Sisan leh i teci panna kammal tawh ama tungah gualzo in i sih dongin eima nuntaknate i it kei hi (Rev. 12:11).

c) **Banghang sisan?**

Thuciam lui hunte lai in, Siampi lianpa in siangthopen mun ah kum khat in khatvei lut a, Pasion om pihna lim thukham singkuang mai ah bikpiakna a kipia ganhing khat peuh sisan va theh hi. Hih pen kumkhat sung minam khempeuhte mawh na adinga, Pasion mai-ah tawlkhath sung kilemna ngetsakna lampi ahi hi. Lev. 17:11, in Sisan ii thupina hong gencian thei hi. Tua lai ah, "Banghang hiam cihleh Pumpi nuntakna in si sungah a om hi, note ading kilemna bawl nading in note adingin biakna tau tungah tua si kapia zo hi. Banghang hiam cihleh si in nuntakna ahihman in kilem na a piangsak na' ahi hi." Hi lai ah thu nih ciapteh ding kisam hi. A masa in, biakpiakna sisan pen Pasion hong piak hi (Pasion in pia hi); "note ading.....tua si ka pia zo hi." A nihna ah, biakpiakna a sisan zatna pen aman piakna nasep hi a, kilemna bawl aih keh kilem kiksakcihpen puahpha aihkeh a thaman loh kik cihnopna hi lel hi. Mawhna pen buaina hi a, sisan pen sihna ahi mawhna nungthu pan a tatkikna aih keh leina a kilawm man pia hi. Tua hi a, nuntakna pen mawhna ading liausum, piak ding sum ah kila, kidawh hi.

Khazih Zeisu pen mawhnei lo a kipia in hong pai a, Ama sisan bua in, ama nuntakna pia in, tua hang in amah a umte leh amah pen Topa hi ci a, a pulakte in amau mawhna hang in sihkul nawn lo hi. I mawhnate a kisiakmang nading lampi bawl khin hi. I mawhnate adingin a man pia zo a, Singlamteh tunga sihna tawh a tawntung tatkhiatna hong ngahsak

hi (Col. 1:13-14). Hih pen Pasion in mihingte tatkik nading a a koih manin Zeisu in khatvei bek a sep ding kisam hi. Eite Pasion muhna ah mawhnei lote i suah theih nading in hih man piakna pen pel lo kisam hi (Heb. 9:22). Pasion in mawhna hang a thukhenna pen sihna in na koih a, tua khit teh eite tanga a sidingin leh a sisan a bua dingin ama Tapa mahmah leitungah hong sawlna tawh Pasion in tatkikna man pia hi. Zeisu pen i Topa leh i honpa in i san leh eite in hih nasep pen ei adingin ngah thei in khuamial gam pan hong kisuaktasak leh, Pasion gam mi suak thei hihang.

d) Koici bangin Zeisu sisan in I Nisim nuntakna ah nasem hiam?

(i) Langpanna tungah gualzawhna

Gethsemane huan sungah Zeisu in thu hici nget hi.

"Kei deih bang hi lo, nang deih bangin kistem hen."

*Sihna ii ngetna pen ama tungah lianlua ahihman in a maitang a sisan huite kitat in khua ul tui tawh kigawm a, a tak lianpipi in leilak ah kia suk hi. Tua hunsung a bua/luang sisan in tatkhiatna tuam khat, langpanna pan a tatkhiatna thugen a, Pasion deihna lang khat a, eite deihna te, eite nate leh a lauhuai a nungzui thute vatkhia hi. Adam pan kipan in mihing in ama deihna bek sem in Pasion deihna tungah tuancil hi. Hun tampi sung mite in thukham dungzui in amau vangliatna tawh Pasion deihna zuih ding hahkat uh a, ahizong in vangliatna neilo uh hi. Zeisu in siampi lian hihna taktak tawh thu a nget teh" kei deih bang hi lo, nang deih bang in kistem hen." a cih teh eite mun ah a ngen hi a, Pasion mai ah mite tang a siampi khat in thu a nget bangdan ahi hi. Eite in zong "Kei deih bang hi lo, nang deih bang in kistem hen." ci a i gen theih nading in eite deihna a tatkhiat nading in a sisan bua a thu a ngen ahi hi.

(ii). Zeisu in Ling lukhu tungtawn in A sisan bua hi.

Ling pen mawhna tunga Pasion hamsiatna lim hi (Gen. 3:18). Zeisu in mawhna hamsiatna pan hong tatkhiat nading a singlamteh tungah a thuak ciangin, a lutung ah tua hamsiatna lim, ling lukhu a khuh pen amah tawh kituak hi (Matt. 27:29). Tua bangdan tawh ama tung mahmah ah hamsiatna a koihna lakkhia hi. Sisan kibua pen in hamsiatna pan a tatkhiatna thu gen hi.

(iii) A kisan aih keh khauteep liamma pan a sisan.

Hih sisan pen Zeisu nungzang pan luang hi. Isa. 53:5 ah hih liammate (Khauteep tawh satna)hang in eite in damna i ngah hi ci hi. Hih pen kha, lungsim, ngaihsutna leh pumpite dam siangthona hi a, lungsimpuakte leh kizop nate nangawn zong hi. Cinatna leh dahmate pen mawhna hang hi a, ahizong in Zeisu sisan in tua mawhna hamsiatna pan eite hong tatkhia khin hi.

(iv) Calvarv Singlamteh tungah Zeisu sisan luang hi.

Singlamteh tunga a khai Zeisu khut leh khe a siktukilhte leh tua pan a luangkha sisan in mawhna leh tua mawhna tung a Pasion thukhenna pan in eite hong hon ding leh hong tat nading zah in kicingin vanglian hi (Rom. 8:1-2; Eph. 2:8, 9, 13).

e) Dotnate leh kikup ding thute

1. Banghang in Pasion in mawhna thaman piak nading man dingin Sisan teel hiam?
2. Banghang in Zeisu in a nunung pen a a nuntakna a piak na in naisawmnihi leh li val hun tak a kantan ding kisam hiam? Kam kum in.

3. Zeisu pen Gethsemane huan sungah a paina bang ci ngaihsutna hiam? bang hang hiam? (Lk. 22:39-46).
4. Zeisu sisan in Pa Pasion kiang zuat theih nading lampi bang hangin hong hiam?
5. Banghang in Zeisu sisan tungtawn in eite hong kisiangtho sak hiam? (Heb. 13:12).
6. Eden huan sungah mihing mawhna masa a ding lemna bawl nading Pasion in bang zang hiam? (Gen. 3:21).
7. Banghang in Topa nitakan neekna ah limlah na dingin koici bang in ama sisan dawn ding pankhia hiam? (Jn. 6:53-57; Matt. 26:27-29).

f) Tomlakna leh Zatpahna

1. Zeisu sisan pen mawhna nungzui thute pan a tatkhiat nading manpiak nading in kicing a, Pasion tawh kizopkik theih nading eite ading lampi hi thei sak hi.
2. Pasion tawh khuavak sungah lampai khawm in i mawhna i pulak leh i mawhnate khempeuh pan Zeisu sisan in hong siangsak hi.
3. Zeisu sisan pen khatvei bek a luan ding kisam hi. Banghanghiam cihleh, a mah pen a kicing biakpiakna hi a, Pasion a dingin santak suak in mikhempeuh adingin khatvei leh a tawntung ading ahi hi.
4. Zeisu sisan in i nisim nuntakna ah thunei a, citak tak a Pasion na sep theih nading lungsim siangtho tak leh i lungtang sungah Pasion nopna in hong ukna tawh hong hi thei sak hi.
5. Zeisu sisan in i pumpi, lungsim leh kha ah kicinna nei nading hong hi theisak hi.